



## Tafsiira Suuratu Yuusuf-Kutaa 27

### Description

Guyyaa guyyaan dachii keessa asi achi ni deemna. Guyyama tokko gadi dhaabbannee wantoota dachii fi samii keessa jiranitti xinxallinee beeknaa? Baayâ€™isnee waan arginuuf xiyyeffannoo itti hin kenninu. Yookiin jirenyaa addunyaa tanaan waan koâ€™oomneef yaanni keenya kana quba hin qabu. Qurâ€™aanni haguuggi keenya ofirraa kaasun wantoota samii fi dachii keessa jiran kanniinitti akka xinxallinu nu affeera:

﴿وَكَأَيْنَ مِنْ عَايَةٍ فِي السَّمَاوَاتِ وَالْأَرْضِ يَمُرُّونَ عَلَيْهَا وَهُمْ عَنْهَا مُعْرِضُونَ ﴾١٠٥﴾

**Samiiwanii fi dachii keessatti mallattoo meeqa irraa kan garagalan taâ€™anii ishii irra darbuu. Irra hedduun isaanii mushrikoota taâ€™anii malee Rabbiitti hin amanan.** ﴿Suuratu Yuusuf 12:105-106﴾

Aayata jechuun mallattoo wanti tokko akka jiruu agarsiisuudha. Aayaanni bakka lama gurguddaatti qoodamu. Isaaniis: aayata dubbi fi aayata gochaa. Kitaabban Rabbii oltaâ€™aa irraa buâ€™anii fi kitaabni xumuraa buufame Qurâ€™aanni aayata dubbitiin kan guuttamaniidha. Kitaabban kunniin gara jiraachu fi tokkichummaa Rabbii akeeku. Samiin, dachii fi wantoonni isaan lamaan keessa jiran immoo aayata gochaa gara jiraachu, tokkichummaa fi dandeetti Rabbii oltaâ€™aa akeekaniidha. Copha bishaanii garmalee xiqqaa taâ€™e irraa ilma namaa guutuu taâ€™e kana uumun, galaana irraa bishaan hurkisisuun biyyeetti rooba buusun, beelladonni, allaattiwwan, qurxumileenii fi biqiltooni bifaa fi amala baayâ€™ee garagaraa qaban Khaaliqa tokkoon akka uumaman mallatoolee agarsiisaniidha. Kunniin hundi nama dandeetti yaaduu fi hubachuu qabuuf dhiyefaman. Ilmaan namaa beekumsa, yaadaa fi gocha isaanii keessatti yeroo hundaa wantoota kanniin waliin kan oolaniidha. Uumamtoota kanniinitti xinxallanii Khaaliqa isaanii beekun isaan irra osoo jiru, faallaa kanaa, tafakkura (itti xinxallu) irraa fuula garagalchuun barnoota fi gorsa barbaachisu irraa hin fudhatan. Buâ€™aan kanaas, akkaata Rabbiin

barbaadu fi itti gammaduun amanuu dhiisudha. Amanuu (iimaana) isaanitti shirkii maku.[\[1\]](#)

**â€œIrra hedduun isaanii mushrikoota taâ€™anii malee Rabbiitti hin amanan.â€**(Mushrikoota jechuun namoota shirkii hojjataniidha, jecha biraatin Rabbiin waliin waan biraa gabbaraniidha.) Namoonni kunniin samii, dachii fi wantoota isaan keessa jiran kan uumee Rabbiin taâ€™uu haa amanantii malee, Rabbiin alatti wanta biraa gabbaru (waaqefatu). Qureeshonni Rabbiin samii fi dachii akka uumee fi humna jabaa akka qabu ni amanuu turan, garuu kuni Muslima isaan hin taasisne. Sababni isaas, isaan kanarratti dabalatee sanamoota Rabbiif shariika godhanitti ni amanu. Gooftoleen sobaa Rabbiin waliin qoodama aango qabu jechuun yaadun isaanii Rabbiitti amanuu isaanii haaqe. (Akkuma kana kiristaanonne nuti Rabbii tokkichatti amanna jedhan, Iisaan (Iyyasuus) Rabbiin waliin gooftaa jedhanii waan yaadaniif amantiin isaanii kuni soba taâ€™a.) Rabbiin, Gooftaan keenya dhugaan, amanti isaanii kanaan shirkii jedheen.

As keessa Muslimonni amantii isaanii akka qulqulleessanii fi shirkii irraa qulqullaaâ€™aniif isaan yaadachiisutu jira. Qabeenya, aangoo fi beekamtii akka hin gabbarreef akeekachiisatu kana keessa jira. Aadaa zamanaa kana keessatti, akka waan gooftota taâ€™anitti namoota weellistoota, aaktarootaa fi artistoota sanamoota godhan ni argina. Aayan tuni wanta biraa Rabbiif shariika gochuun iimaana zeeroo akka taasisu nu barsiisti.[\[2\]](#)

Iimaanni fi qajeelchi nama tokkoo jirenyaa tana keessatti dhimma garmalee jabaa (siiriyes) taâ€™eedha. Dhimma kana keessatti wanti xiqqoon dhiisanii fi dogongoran, halaaka (badiinsa) jirenyaa abadiitti nama geessa. Kanaafu, adabbiin Rabbii buâ€™uu yookiin Qiyaamaan dhaabbachuun dura akkaataa barbaadamuun Rabbiitti amanuu fi gabbaruun dirqama.[\[3\]](#)

أَفَمُنُو أَنْ تَأْتِهِمْ غَنِيَّةٌ مِّنْ عَذَابِ اللَّهِ أَوْ تَأْتِهِمْ السَّاعَةُ بَغْتَةً وَهُمْ

لَا يَشْعُرُونَ

١٠٧

**â€œAdabbi Rabbii irraa haguuggin isaanitti dhufuu yookiin osoo isaan hin beekne Qiyaamaan tasa isaanitti dhufuu irraa ni tasgabbaâ€™uâ€™ Suuratu Yuusuf 12:107**

Ghaashiyah jechuun wanta nama haguugudha. Wanti asitti barbaadame adabbiin gara hundaan namoota haguugu fi marsuudha. Haala gaafitiin dhiyeessun kuni isaan waqqasuufi.

Sila namoonni jallatan kunniin Gooftaa isaanii irraa adabbiin gara hundaan isaan haguugu fi jalaa dheessu hin dandeenyee isaanitti dhufuu ykn osoo isaan hin beekin Qiyaamaan tasa isaanitti dhufuu irraa nagaha akka taâ€™anitti ni yaadu? Jecha biraatin, sababa badii isaanii itti fufaniif, â€˜Rabbitiin irraa adabbiin nutti dhufuu dandaâ€™aâ€™ jedhanii hin sodaatanii[\[4\]](#)

Namni badii hojjatu â€˜adabbiin Rabbii natti hin buâ€™uâ€™ jechuun yoo of amane, badii hojjachuu itti fufa, tawbachuuf fedhii hin qabu. Faallaa kanaa, namni adabbiin Rabbii sodaatu, dafee badii isaa irraa buqqaâ€™e tawbata.

## Kuni Karaa Kiyya Qajeelaadha

قُلْ هَذِهِ سَبِيلِيۤ أَدْعُوا إِلَىٰ اللَّهِ عَلَىٰ بَصِيرَةٍ أَنَا وَمَنِ اتَّبَعَنِيۤ وَسُبْحَنَ اللَّهِ وَمَا أَنَا مِنَ الْمُشْرِكِينَۤ

١٠٨

**Jedhi â€˜kuni karaa kiyya, anaa fi kan na hordofe beekkumsa ifaatiin gara Rabbii waama.**  
**Rabbiin qulqullaaâ€™e, ani mushrikoota irraayyi miti.â€™ \$uuratu Yuusuf 12:108]**

Ergamaan Rabbii (S.A.W) akkana akka jedhu ajajame: **kuni karaa kiyya, beekkumsa ifaatiin gara Rabbii waamaâ€™** Karaan Nabiyyii (S.A.W) karaa Rabbiitti nama geessudha. Karaan kenis Islaama. Islaamni karaa qajeelaa tokkicha Rabbiitti nama geessudha. Mee ilaali, Rabbiin jecha tokkeetti (singularâ€™tti) fayyadamuun â€˜**karaa kiyya (sabiilii)**â€’ jedhe. â€œKaraalee kiyyaâ€chin jenne. Suurah Faatiha keessatti, â€œKaraa qajeelatti nu qajeelchiâ€jechuun dubbisna. Kanaafu, karaan Rabbii tokkicha. Gaafa tokko Nabiyyiin keenya (S.A.W) biyyee irratti sarara qajeelaa sarare. Ergasii ni jedhe: â€œKuni karaa Rabbiiti.â€ San booda bitaa mirgatti sararoota baayâ€™ee sarare. Itti aanse ni jedhe: â€œKun karaaleedha. Karaa hundarra shayxaana itti waamutu jira.â€ San booda aayah tana qaraâ€™ee: â€œ**Kuni karaa Kiyya qajeelaa taâ€™eedha, kanaafu isa hordofaa. Karaalee biroo hin hordofinaa karaa Isaatirraa isin fottoqsuuti.**â€ (Suuratu Al-Anâ€™aam 6:153)[\[5\]](#)

Kuni karaan Rabbii qajeelaa fi tokkicha akka taâ€™e nutti agarsiisa. Wanta karaa qajeelaa kana faallessu hunda, Qurâ€™aanni jecha heddumminna agarsiisuun (pluralâ€™in) ibsa. Fakkeenyaf, â€œ**Rabbiin waliyyi warra amananiiti. Dukkana baayâ€™ee keessaa gara ifaatti isaan baasaâ€**â€ (Suuratu Al-Baqarah 2:257) Haqni takkattidha, sobni immoo baayâ€™eedha.

**Basiirah jechuun** beekumsa ifa taâ€™ee fi ragaa qabatamadha. Jechi basiirah jedhu jecha basara jedhu irraa dhufe. Basara jechuun arguudha. *Akkuma namni ijaan waa arguuf ifa aduu ykn ifa elektrikii isa barbaachisu, namni amanti isaa keessatti dhugaa fi soba addaan baafachuuf beekumsa sirrii fi ragaa qabatamaa isa barbaachisa.* Beekumsa sirrii fi ragaa qabatamaa kanaan basiirah jennaan. Kanaafu, mataa ofiiti karaa qajeelaa irra deemu fi namoota biroo karaa kanatti waamuuf beekumsa sirrii fi ragaa qabatamaa barbaachisa. Kanaafi itti aanse ni jedha: **â€œanaa fi kan na hordofe beekkumsa ifaatiin gara Rabbii waama.**â€ Kana jechuun ani beekumsa sirrii Rabbiin irraa dhufreen gara Isa qofa gabbaruu fi ajajoota Isaa hordofuutti namoota waama. Namoonni ana hordofanis beekumsa sirrii Rabbiin irraa dhufreen gara Isaatti namoota waamu. Kuni Muslimoonni gara Rabbiitti waamu (daâ€™awaa gochuu) keessatti beekumsa sirrii irra taâ€™uu akka qaban dirqisiisa. Haqa Rabbii sobaan, jallinnaa fi fakkeessaan gargaaruun isaaniif hin hayyamamu.

**â€œRabbiin qulqullaaâ€™e, ani mushrikoota irraayyi miti.â€**

Wiirtuun daâ€™awaa kanaa Rabbiin wanta Isaaf hin mallee irraa qulqulleessuu fi Isa qofa gabbaruudha. Kanaafu, ani wanta Rabbiif hin mallee irraa Isa qulqulleessa. Kan akka ilma qabaachu, shariika (hiriyyaa fi hirmaataa) qabaachu, muguu fi hanqinnoota biroo. Rabbiin kanniin hundarraa qulqullaaâ€™e. Ani

---

warra Rabbiin waliin waan biraan gabbaran (waaqefatan) irraayyi miti.

### **Guduunfaa**

â˜›Rabbiin subhaanahu wa taâ€™aalaa akka namoonni sifaata (amaloota) Isaa beekanii Isa qofa gabbaraniif aayaata lama gurguddoo ilma namaa fuundura godhe. Isaaniis, kitaabban Ergamtoota irratti buusee fi uumamtoota Isaati. Kitaabban Rabbiin buuse tokkichummaa, sifaataa Isaa, ajajoota, mindaa fi adabbii Isaa ibsu. Uumamtooni Isaas gara tokkichummaa, dandeetti, rahmata, beekumsaa fi amaloota Isaa biroo ibsu. Kanaafu, namni aayaata lamaan kanniiniti xinxalluun Gooftaa isaa beekun Isa qofa gabbaru dandaâ€™a.

â˜›Mallattooleen baayâ€™een samii fi dachii keessa haa guutanii malee harki caalaan namootaa haala sirrii fi guutuu taâ€™een Gooftaa isaaniitti hin amanan. Kana irra, shariika Isaaf godhu.

â˜›Amantiin Islaamaa amantii sirrii fi qajeelaa waan taâ€™eef tilmaamaa fi yaada sobaa irratti osoo hin taâ€™in beekumsa sirrii fi ragaa qabatamaa irratti kan hundaaâ€™eedha. Kanaafu, namni amanti qajeelaa kana hordofuuf beekumsa sirrii argachuuf tattaafachuun isarra jira. Akkasumas, namni tokko gara Islaamaatti namoota waamuuf beekumsa sirrii qabaachun isarratti dirqama.

---

[1] <https://www.kuranvemeali.com/yusuf-suresi/105-ayeti-tefsiri> [2] Lessons from Suurah Yuusuf-Yaasir Qaadi-fuula 163 [3] <https://www.kuranvemeali.com/yusuf-suresi/105-ayeti-tefsiri> [4] Maâ€™aariju tafakkur 10/753 [5] Sunan Ad-Daraami 1/78, Musnad Ahmad 4142, An-Nasaaâ€™i 11109)

### **Date Created**

April 3, 2022

### **Author**

admin